

REGLUGERÐ

um friðun hrygningarþorsks á vetrarvertíð 1999.

1. gr.

Á tímabilinu frá og með 1. apríl til kl. 10 að morgni 15. apríl 1999 eru allar veiðar óheimilar á eftirgreindum svæðum:

1. Fyrir Suður- og Vesturlandi á svæði sem að austan markast af línu sem dregin er réttvísandi í austur frá Stokksnesi og að vestan af línu sem dregin er réttvísandi 250° frá Skorarvita. Frá Stokksnesi markast svæðið að utan af línu sem dregin er í 12 sjómílna fjarlægð frá viðmiðunarlínu í punkt í 12 sjómílna fjarlægð suður frá Lunda-drangi. Þaðan er línan dregin í punkt 63°08'0 N og 19°57'0 V og þaðan í 4ra sjómílna fjarlægð réttvísandi suður frá Surtsey í punkt í 5 sjómílna fjarlægð réttvísandi suður frá Geirfugladrangi. Þaðan er línan dregin í 5 sjómílna fjarlægð utan við Geirfugladrang í punkt 64°43'7 N og 24°12'0 V og þaðan í 64°43'7 N og 24°26'0 V og síðan í punkt í 24,3 sjómílna fjarlægð 250° réttvísandi frá Skorarvita.
2. Fyrir Suðvesturlandi á svæði sem að austan markast af 21°V, að sunnan af 63°05'N og að vestan af línu sem dregin er réttvísandi í suðvestur frá Reykjanesaukavita.

2. gr.

Á tímabilinu frá kl. 10 að morgni 15. apríl til kl. 10 að morgni 21. apríl 1999 eru allar veiðar óheimilar á svæði fyrir Suður- og Vesturlandi, sem að austan markast af línu sem dregin er réttvísandi 90° frá Stokksnesi og að vestan af línu sem dregin er réttvísandi 250° frá Skor. Frá línu réttvísandi 90° frá Stokksnesi að línu réttvísandi 270° frá Garðskagavita markast svæðið að utan af línu sem dregin er í 4ra sjómílna fjarlægð frá fjörumarki meginlandsins. Þaðan markast ytri mörk svæðisins af línu sem dregin er um punkta sem eru í 4ra sjómílna fjarlægð í tilgreindar réttvísandi stefnur frá eftirgreindum stöðum:

- | | |
|------------------------------|-------------------------------|
| 1. 270° frá Hjörsey | 5. 360° frá Öndverðarnesvita |
| 2. 180° frá Malarrifsvita | 6. 360° frá Töskuvita við Rif |
| 3. 270° frá Tröllakirkju | 7. 250° frá Skorarvita |
| 4. 270° frá Öndverðarnesvita | |

3. gr.

Á tímabilinu frá og með 1. apríl til kl. 10 að morgni 21. apríl 1999 eru allar veiðar bannaðar innan þriggja sjómílna frá fjörumarki meginlandsins fyrir Norður- og Austurlandi frá línu réttvísandi norður frá Horni að línu réttvísandi í austur frá Stokksnesi.

4. gr.

Þrátt fyrir ákvæði 1.-3. gr. eru grásleppuveiðar, innfjarðarækjuveiðar, hörpudisksveiðar og ígulkeraveiðar heimilar þeim sem tilskilin leyfi hafa til þeirra veiða innan svæðisins.

Þá er og heimilt að stunda rauðmagaveiðar á grynnra vatni en 10 föðmum á innanverðum Faxaflóa, innan línu sem dregin er frá Markakletti á Hraunsnesi vestan Straumsvíkur, í 6-baujuna, þaðan í Brekkuboðabauju og síðan um Andriðsey í land.

5. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands. Með mál út af brotum skal farið að hætti opinberra mála.

6. gr.

Reglugerð þessi er sett samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli. Jafnframt er felld úr gildi reglugerð nr. 122, 18. febrúar 1999, um friðun hrygningarporsks á vetrarvertíð 1999.

Sjávarútvegsráðuneytinu, 3. mars 1999.

Þorsteinn Pálsson.

Þorsteinn Geirsson.

11. febrúar 1999

Nr. 158

GJALDSKRÁ

vegna eftirlits á vegum Geislavarna ríkisins fyrir árið 1999.

1. gr.

Eftirlitsgjöld fyrir árið 1999, sem Geislavarnir ríkisins innheimta og falla í gjalddaga 1. apríl 1999 með eindaga 1. júní 1999 verða sem hér segir:

1.	<i>Röntgenskoðunartæki:</i>	kr.
a.	Föst tæki - myndataka	12.500
b.	Föst tæki - skygging	17.500
c.	Tölvusneiðmyndataeki	25.000
d.	Aukalampar	3.500
e.	Færanleg tæki - myndataka	10.000
f.	Færanleg tæki - skygging	13.000
g.	Tannröntgentæki	7.500
h.	Tannröntgentæki - aukatæki	3.750
i.	Iðnaðarröntgentæki	11.000
j.	Dýralækningaröntgentæki	11.000
2.	<i>Geislalækningatæki</i>	17.500
3.	<i>Geislavirk efni, fyrir hvern þann stað sem opnar lindir eru notaðar</i>	15.000
4.	<i>Geislavirk efni, litlar lokaðar lindir, lindir í skólum, fyrir hvern stað</i>	8.000
5.	<i>Önnur geislatæki:</i>	
a.	Nifteindatæki	30.000
b.	Önnur tæki sem ekki falla undir lið 1-4	
1.	Hvert af 3 fyrstu eins tækjum á sama stað	8.000
2.	Hvert tæki umfram fyrstu 3 eins á sama stað	4.000
6.	<i>Eftirlit með geislaskömmtum starfsfólks:</i>	
a.	Filmumælingar, fyrir hverja filmu	400
b.	TLD-mælingar, fyrir hverja flögu	1.000

2. gr.

Á stofu þar sem einn tannlæknir starfar, en er með tvö tannröntgentæki, má flokka annað tækið sem „aukatæki“, enda sé það aðeins notað, þegar aðaltæki bilar. Þetta á einnig við um röntgentæki, sem hafa verið aftengd og eru í geymslu.

3. gr.

Eftirlitsgjöld eru tryggð með lögveðsrétti í eftirlitsskyldum tækjum í 2 ár eftir gjalddaga.

4. gr.

Fyrir hverja mælingu á geislavirkni skal stofnunin innheimta gjald, allt að upphæð kr. 10.000. Fyrir hvert vottorð sem stofnunin lætur í té, skal innheimta kr. 2.000.